

Balua na bata
 gba
 Djaa
 Eli na kalanu

Bhele kpála Djaa , aye balua inde-e pi bhele kpála natsia 'kpí lí Dadjua gba Ebhe inde 'lí e me Gaiusi. Djaa adu agama 'ngú gba ani-e ndjindji, anga ani adu asia omakilisito inde adu ago agba ani-e ndjindji-e naali. Ani atsia a ayo ka ani me, ani lila lí e ka bhoko bini inde a du 'lí e me Diotelefe malila.

Ongbengbe ongú inde bhú bhuku inde-e ngae inde:

Eli na kalanu 1-4

Nakpo 'ngú ndjindji lí kute Gaiusi 5-8

Na'o 'ngú pindji Diotelefe 9-10

Na'o 'ngú pindji Demetiliusi 11-12

Eli na soso 13-15

Djaa yi Gaiusi mayi

¹ Ngama, Bhele Kpála , ma ngaye balua inde-e pi mu Gaiusi, ngamu ndai ma na mukunda, inde ma kunda e kukulu-o.

² Ndai ma na mukunda, gumu gba ma me ndu 'ngú gba mu-o hana dhola ndjindji, mu du ne kute na angu, maka mu nde lie ne angu lí bua mu ko.

Gaiusi ngadholo bhú engú na kukulu

³ Ma akpi nako djali naali, anga lí nedhinga inde lí ondaise ní ago lie, u akpokpo mu ma me mu ngamene engú na kukulu. A moko, mu ngadholo bhú engú na kukulu. ⁴ Ehe inde la ngaha djali mu ma ane ndu ongú

koko hana-a, a ko nadje me ongisi gba ma-a ngadhola bhú engú na kukulu.

⁵ Ndai ma na mukunda, mu ngamene engú inde na babadha pi ondaise ní, belegu di ne pi obhende mu mbila o de-o. ⁶ U akpokpo engú na mukunda gba mu-o kala okpála na Piga gba Ebhe. Mene 'he inde ndjindji bhú djila Ebhe, ne naha ehe inde atéteke uo li kpadji-e pi uo. ⁷ Padhá de, anga u ngadhola ngubula 'li Kilisito . La di-e, u ti da nasia 'he ka omupagano belegu de bini. ⁸ Kaka-a, a ayo me nganí makpe-e, ní teteke ngua okpála bhomu-o nganí, amba ní kpøtsø di liní ne uo ngú nakpokpo 'ngú na kukulu.

Engú pindji Diotelefe ngauo ne Demetiliusi

⁹ Ma aye nako mboye balua pi okpála na Dadjua gba Ebhe. Engú bini, Diotelefe, kpála inde akunda naae me bhú ndu 'ngú hana u dje bha ni-e, atsia au engú angoo bhú djila e padhá. ¹⁰ Kaka-a, ma agó lie, ma ambamba ta engú na sisiti inde ani ngamene e-o. Ani ngapa engú na sisiti di ne eu li kute ya. Engú bini, ani pise bha bini li bhende bhomu-o de, ani ngayala nasia ondaise ní. Ani ngapa la di pi obhende ngakunda nasia uo me u mene mo-o, ni pándja uo bhú Piga gba Ebhe-o.

¹¹ Ndai ma na mukunda, mo oméne 'ngú maka okpála na sisiti de. Engú bini, mene mangbo engú maka okpála na babadha. Kpála bhende ngamene bádha 'ngú-o, a ko kpála gba Ebhe. Kpála bhende ngamene siti 'ngú-o, kpála bhomu-o mbila Ebhe de.

¹² Ndu okpála hana ngakpo 'ngú pindji Demetiliusi ndjindji. La di-e, engú na kukulu ngae makpe ngakpokpo 'ngú gba ani-o. Nganí di-e, ní bhadi ngakpokpo 'ngú gba ani-e moko. Mu ngambila la di me engú inde ní ngakpokpo e, a ko kukulu 'ngú.

¹³ Ma ne ongú bhelé napapa pi mu. La-a, ma kunda nayeye maye de, ¹⁴ anga ma akunda nau mu má gala, amba ní gama 'ngú me ní nde ngau liní mau.

¹⁵ A ayo me guo 'ngú du bhú dabili bini ne mu! Ondaise ní inde ei-e apa me, o yi mu mayi. Pa la di pi ondaise ní inde oo me, ya yi kpála bini ne bini mayi.

Gandja na Mbia

Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 Mar 2022

6b4904fb-f8ce-5931-8218-7cee8914232c